

**SUNDAY BIBLE SCHOOL TEACHERS' TRAINING SEMINAR  
K.GELJANG AREA (TBA-I)**

AMUN : Monglenphai C/C

APHAT : 18<sup>th</sup> March 2017

**TOPIC : ROLE OF SUNDAY SCHOOL TEACHER**

*By : Chonminlal lhouvum, BA. M. Div*

Sunday school hi kum 1780s vella chu Robert Raikes Gloucester thusoh bolkhat nin ana phudoh ahi. Hiche hi adeh a industry /factory ho khantou na leh kikhel aumphant nin chapang tamtah hi themjil na lam sanga na toh a sum kilo ding agelkhoh jo taovin ahi. 19<sup>th</sup> Century geijin nikhat na ana toh sungu ana saolheh in ahi. Phat khat nin lunggel jat chom chom sodoh toh lhonin nikhat na dakkal 12 sung natoh phat ahung hi tan ahi.

Christian houamma ngailutna neihon chapang tamtah themjilna phat neilou ho chu nikhat beh ajildin gelkhoh na ahin neitaovin ahi. Pathen ni hi ama hoa dinga phat kijen penchu ahung hitan ahi. hiche nia hi themjil na lamma themkhat beh ajil diu deisah ahitai. Hiti ahijeh in 19<sup>th</sup> century akimvel chun hiche natoh hi ahung minthang lheh tan nu le pa te houin kainom lou hon jong achateo chu Sunday school ahin asolpan taovin ahi. Nu le Pa te chun kumlhun dunga kipa man san, kichepna jat chom chom, picnic, ho chun alungu asu thou lheh un ahi. Hiche lai ja chu pathen thu keo hilouva secular lam jong ana hilu ahi. hiche Sunday school phate a hinchai ho chu Sunday school jilkung a hung pang uva thilpha tamtah, umchan ho ol olla pathen thu hihen lasah khom ho ahin bol uva Sunday school hi hung kipan doh ahi.

**Sunday school la mihil dinga pang ding chu ahithe chan na :**

1. Hinkho vannoi ja konna achoma umdoh ngai ja ahi. Eg. Khamna theija lop leh lam le party mun hoa kimu mi hilou ding ahi.
2. Houin kaina hoa pontho jing mi.
3. Ahilna class hochun atahsan mi angai je . eg. Niseh a kai ahilou jeh un mi tahsan angai je, kineppi um angai je.
4. Chena lhongpi juitoh mi angai je eg. TBA daanpi juimi tina ahi.
5. Amangthai ho holdoh ding lungput nei mi angai je.
6. Kikhop khom na hoa genngai mi angai je. Eg. teacher`s meeting
7. A class a hung kailou ho ga vil nommi ahi angai je.

**Sunday school la mihil hon aheth ding uva ngai khoh hophabep khat tahlang nom aume.**

**1. Teaching Aid (a kihilna a apoimo ahi):**

- i) Black Board
- ii) Chart
- iii) Map
- iv) Picture (Milim)
- v) Projector

**2. Pathennin aman chah thei ahi tihen.**

Pathen manchah thei ihi theina dinga chu aman einganse nale eikisol na hoa hi kitah tah a panlah ngai ja ahi. Ama natoh na dinga nop phot angai je. Pakai jin amanchah nom hohi miki tah ahi.

Peter leh john houin ache lhonna elbai khat adamsah banga hi eiho jong aphant dih, amun dih a ium jing angai je (Acts 3:6). Peter in keinin sana le dangka kanei lhonpoi Nazareth jesu minin lamjot tan ati lhon banga chu pathen thu chu adih a isei tengle pathen manchah thei ihi diu ahi.

**3. Pathen nin ingaichat dungjui ja eipeh thei ahi hi het angai je:**

Mihil themtah ihi nadinga hin lhagao thilpeh ichan hohi holdoh angai je. Thil ibol thei

Naham ahilouleh talent hohi pathen nin ama natoh doh nadinga apeh chu ahi. Eg. pathen thu seiphong, themgao hina , mihil ding , tilkhou na lampang , kelngoi ho chin , lungset na nei, thilpeh doh ahilou leh vaihom them tiho hi ahi.

**4. Mihil ding khat nin ahedding chu simlai hohin thil hohi hildan jatchom cheh in ahe theije tihi ahi.**

Mihil ding khat nin simlai hon akihil ho ahetchet na dinga anoija kipe ho dungjui jahhin hille dei ahi.

**i) Hetna:** Chunglanga isei ma bangun Text Book a akisunho seisei jenghin simlai hodin thasetna aum theije . hiti ahijeh in tekah ho manna hil apha. **Eg.** Gahing ho din Bong, Kelcha, Loi (Buffalo) ho ahilouleh mihiem ma jong Mose, Solomon tiho hetchetsah angaije.

**ii) Hetchetna :** simlai hon thil ihil ho ahet chet tengule akibahlou na ho jong ahet diu chuleh aseithi diu ahitai. **Eg.** Mose leh Abraham kibahlouna sunnin tiho hi aseithi diu ahitai.

**iii) Thil ahet ho aman thei diu ahi :** Simlai khatnin thil ihil hou ahetchet teng aman dingdan ahedding ahitai chuleh ajeh holeh ahiding ho ahet ding ahitai.

**Eg.** Ipinga Abraham min achenna gam adalhah a ajotna ding helouva che jeng aham ? Hiche hohin thil hohi ajat chom cheh a hetna aneiban uva hetbai na leh ajeh hogeija ahet diu ahitai.

**iv) Sunday school hi pakai natoh na dinga abul ahi ti het angaije :** Sunday school hi Houbung nga konna achom ahipoi, ahin Houbung dinga manchah phatah ahi. Pathen thu ahina bangtah a seipeh nadinga Ministry phatah ahi. Houbung dinga Pakai thu chu lhunsah ding, Hilding , jolding chuleh vetsuiding tihi ahi.

**v) Sunday school la ahina bangtah a thusei hi taona hi atuhpi pen ahi ti het angaije :**

a) Pathen nin na umpi nadin taovin . Munthip ma natou teng natohding jouse chu pakai ja pedoh in.

b) Na class a jaoho din taovin. Ajeh chu nangman nahilteng ajao jouse chu tonsot na alhun nading thu nasei peh dichu ahi.

c) Simlai ho hetna lamma akhan touthei nadiuvin taovin . Lhagao va akhantou na thei diuva akhoh chu oijapun amaho chu akihetpi jing angaije. (eg. Phoning , Mailling , Praying all week.)

**vi) Hilding chu eiman ihetchet angaije :** Jilkung khat nin class hohi nomtah le simlai ho lunglut tah a aumdiu ideih leh eima chu phatah a kigotna neija class lah apha. Hetchet lou hilhin manthah na ahi nomme.

Oija khatnin lesson plan anei ding hi angaikhoh e. Eiho umdanna seidin oija pu chun a text book keo hilouva chapang ho/ ahilho lunglut na dinga lekha dang jong ahetna asim angaije.

**Eg.** a) Ken koi kahil ham ?

B) Ipi ham kahil chu.?

c) Ken ipi apha chom ding umma kahil ham?

d) Ken ipi ngaichat kaneija kahil ham?

**vii) jilkung khat nin ahet ding khat chu simlai hohin thusim angai nommu ahi:**

eiman ilahding simmun hamkhat chu lah jeng hin abang komle class a jao hodin imut sona aum nome. Hiti ahijeh in thusim ho jong seipeh ji angaije . adeh a ngailut , tahsan chule thungai / seingai ti thusim hohi apha. **Eg.** Ahin thusim ahivanga ahithei lou ding ganhing paothei , nuithei tiho hi manbeh louvin apha . Amun le apha leh mi vetna thusim ham tekah ho manhin khantouna aumtheije.

**viii) Sunday school la thulu sei hi apoimo ahi ti het angaije:**

Sunday school la jao hohi inlanga aboldiu ho peh keo hilouva vet louva aseidiu jong pehjing angaije . chule thulu seikhom sah jing apha.

**Ajehchu:** a) Amaho chu chonset na konna gamla diu ahi.

b) Chonset na alah lut tengule hiche ho chun ahin tilthah kitna apha lamma hung diu ahi.

c) Christian phatah ahisah jing diu ahi.

d) Christa a khangtou diu ahi.

e) Taona a ahat besah diu ahi.

**ix)Kihil nading munnho akisuh angaije :** Student hohin thilho hetbaina aneithei na diuva hi akihilna mun adih angaije. Ahitheichana Black Board umna mun hoa kihil hin student hodin aphantna tamtah aume . Ajehchu abang komle lasah khom phat , taokhom naphat , leh kichep phat hojong aum ngaija ahi.

**Eg.** Vah (Light) leh mun nom ahi angaije. Huitheng lutna mun thil namse munho ahithei poi . Muntheng ahi angaije. Touna ding ho aphant angaije.

### **ROLE/DUTIES OF SUNDAY SCHOOL TEACHERS.**

- 1.Sunday school la mihil ding khat chun huhhingna dihtah anei angaije.
- 2.Pakai natoh hethem mi angaije.
- 3.Houbung chena lhongpi toh akito angaije. Chutile kihilna a boina umlounding ahi.(Doctrinal issue)
- 4.Kelngoi ching pu danna akigel angaije:
  - i)Kelngoi (student) ho chu lamkai jin.
  - ii)Kelngoi ho chu vah in.
  - iii)Vengbit nin.
- 5.Umdan khan dan avetsui angaije .
  - i)Thenna lam.
  - ii)Kivon dan.
  - iii)Phatman ding dan.

### **6.Houin kainom /kaijing mi ahi angaije:**

Student hon achurch attendance jeh a angailut nu angaije. Athusei ju angaiju le angai nommu angaije. Eg. Secular School hoa oija ho jong attendance jeh a ngailut na leh jana chang ahiuve.

- 7.Text Book keoseh hilouva adinmun toh aphant leh dinmun kitoh-a ahil angaije.
- 8.mihil la apan na a hi Seminar ho, Training neo cha cha hoa hi apan jing angaije.
- 9.Pakai dong puma ahil angaije . chutileh lhagaova kikhel na ahin pohlut ding ahi.
- 10.Simlai ho chu akum ho hetdoh a ahina bangtah leh akumdung juija khenthem ding angaije.
- 11.Mihil ding chun ahithei channa phatah a akigotjing angaije. Ahithei leh Nilaini(Wednesday) ham teng subject kibang ho toukhoma seikhom angaije.
- 12.Mihil dingho chun a subject/simmun toh kitoh behset louva thudang ,thildang seilouva apha.
- 13.Lungneng tah a hil angaije.
- 14.Simlai ho chu athanop nadinguva tilkhou jing angaije.
- 15.Simlai ho toh kivop khom jinga phat khat khat le a inn uva gachea, gavil angai le gavillin apha.
- Eg. Simlai ho ma ma puithei ahi.
- 16.Sunday school hina ho het angaije.
- 17.Mi doh thei le mi kihil sah jing thei hi angaije.(Mentor & Trainer)
- 18.Umchan hoi vetsah jing angaije.
- 19.Taona mang jing angaije,( Sunday school dinga.)

Achainan Pakai Jesu jengjong chu mihil them chungnung pen, doh jing thei anahi. Rabbi tin jong ana kikouve. Miho chu ama ama hina leh akhang dung juijin ana hiljin ahi. Mijousen ahil ho ana hetheijui. Thunei tah le hildan jat chom chomin ana hiljie. Mi tamtah in ana ngailun chuleh gol le pai tamtah ana neije.Eiho jong ama dung sun tho dinga deisah ihiuve. Khantouna toh kitoh a chuleh ama ama hina dungjuija hi Sunday school la hi pan lah angaije.

### **Akilahdoh na lekha leh akimuna ho :**

- 1.Elmer L. Towns, “what every Sunday school Teacher should know” (Secunderabad: Authentic Books, 2005)
- 2.Imtijungla Longchar; Christian Celebrations, Sermons for Ocassions. (Nagaland,Dimapur: S.Wati Aier & Sons, 2005)
3. Internet.